

KJKP "RAD" d.o.o. SARAJEVO
- VD DIREKTOR -

Broj: 05-03-04- 4579 /21
Sarajevo, 29.03.2021. godine

Na osnovu člana 100. stav 3. Zakona o javnim nabavkama BiH ("Službeni glasnik BiH", broj 39/14) i člana 47. Statuta KJKP "RAD" d.o.o. Sarajevo, v.d. direktor donosi:

R J E Š E N J E
o usvajanju žalbe

I

Žalba je pravovremena, dopuštena i uložena od ovlaštene osobe.

II

Žalba žalitelja Advokatska kancelarija Nermin Vila Sarajevo izjavljena na Tendersku dokumentaciju br.05-03-04-3858/21 za javnu nabavku advokatskih usluga je osnovana.

III

Rješenje stupa na snagu danom donošenja.

O B R A Z L O Ž E N J E

KJKP "RAD" je dana 04.03.2021. godine Odlukom br.05-03-04-3393/21 pokrenulo postupak nabavke Usluga iz Anex-a II DIO B - Advokatskih usluga. Postupak objavljen na web.stranici Ugovornog organa 16.03.2021.godine, sa rokom dostave ponuda do 07.04.2021.godine.

Dana 25.03.2021. godine potencijalni ponuđač Advokatska kancelarija Nermin Vila Sarajevo podnio je žalbu na tendersku dokumentaciju, a u kojoj iznosi žalbene navode spram pogrešne primjene Zakona o javnim nabavkama BIH i Uputstva za pripremu modela tenderske dokumentacije i ponuda.

Nakon detaljnog uvida u dostavljenu žalbu i žalbene navode, Ugovorni organ je ustanovio da su žalbeni navodi žalitelja **osnovani**, te će Ugovorni organ izvršiti izmjene tenderske dokumentacije u skladu sa Zakonom o javnim nabavkama BiH i Uputstvom za pripremu modela tenderske dokumentacije i ponuda. Ugovorni organ će u skladu sa Zakonom o javnim nabavkama BIH produžiti rok za predaju ponuda, te će Izmjenu tenderske dokumentacije objaviti na web stranici preduzeća.

Nadalje, Žalitelj je zahtjevao nakandu troškova sastava ove žalbe u iznosu od: 720,00 KM + 17% PDV= 842,40 KM.

Ugovorni organ smatra da ovaj zahtjev nije osnovan, budući da član 105., stav (1) Zakona o upravnom postupku BiH jasno propisuje da: "Svaka stranka snosi, po pravilu, sama svoje troškove prouzrokovane postupkom, kao što su troškovi dolaženja, gubljenja vremena, izdaci na takse, pravno zastupanje i stručno pomaganje."

Shodno naprijed navedenom, u svojstvu odgovornog lica ugovornog organa, donosim odluku kao u dispozitivu.

Pouka o pravnom lijeku: Protiv rješenja ugovornog organa može se uložiti žalba URŽ-u, putem ugovornog tijela, u roku od pet (5) dana od dana zaprimanja rješenja.



KJKP „RAD“ d.o.o. Sarajevo
v.d. Direktor

Mirsad Hošić, dipl.ing.maš.

DOSTAVITI:

- Advokatska kancelarija Nermin Vila Sarajevo;
- A/a;